

四庫全書

子部

欽定四庫全書

賓退錄卷十

宋 趙與峕 撰

臧哀伯云武王克商遷九鼎於雒邑義士猶或非之義士即多士所謂遷殷頑民者也由周而言則為頑民由商而論則為義士矣此說近世陳同甫亮始發之杜預謂為伯夷之屬非也

禮曰銘者自名也自名以稱揚其先祖之美而明著之後世者也為先祖者莫不有美焉莫不有惡焉銘之

義稱美而不稱惡此孝子孝孫之心也唯賢者能之
又曰其先祖無美而稱之是誣也有善而弗知不明
也知而弗傳不仁也此三者君子之所恥也碑誌行
狀之法具於是矣若無美而必欲諛墓有惡而飾以
為美卑官下士猶足以誑不知之人仕稍通顯則其
善惡已著於人之耳目何可誣也莫儔靖康末所為
雖三尺童子亦恨不誅之而孫仲益尚書誌其墓顧
謂靖康之變臺諫爭請和戎皆斥廢不用而二三狂

生抗首大言乘險徼幸試之一擲卒至誤國高宗
狩維揚移蹕臨安國步阽危至此極矣而進取之士
終以和戎為諱此翰林莫公所以投閒置散至於老
死不用斯言也不幾於欺天乎及作韓忠武誌則又
以岳武穆為跋扈而與范瓊同稱善惡復混淆矣岳
之禍承權臣風旨而誣以不臣者万俟卨忠靖羅彥濟
汝楫也洪文惠誌羅墓不書此事正得稱美不稱惡
之義而仲益誌万俟則顯書之何哉張子韶侍郎學

問氣節表表一世參禪學佛與其平生自不相掩張亦未嘗以此為諱其從子榕作家傳欲為文飾乃謂張有學說云釋老虛無耳不可有聞目不可有見則是靜言庸違張必不然余獨喜李文簡誌趙待制

開

墓既歷叙其在蜀理財治賦之功且謂為當時第一繼云或者咎公竭澤而漁使來者無所施其智巧今雖累經蠲放而害終不去當時稍存平恕則今日之害決不至此嗚呼此所謂責人終無已者也然公亦

不得不任其咎昔蘇綽在西魏佐周武帝以國用不足為征税之法頗重既而歎曰今所為者正如張弓非平世法也後之君子誰能弛乎綽子威聞其言每以為已任及相隋文帝奏減賦役務從輕簡帝悉從之彼蘇威顧能如此曾謂今日無若蘇威者乎此肅深所歎息詳紀之以俟來世又南軒作宇文閬州邦獻誌謂初君以二父世科為念刻苦習進士業為進士者多推稱之兩以鎖廳試類省輒下益力後雖已領

州符猶不置蓋終其身以是為歉拭嘗以謂自先王
教胄子之法壞大家世族不得盡成其材其下者苟
從祿利不樂親文墨事至其間讀書欲自表見者則
不屑其世祿顧反以從進士覓舉得之為榮噫昔之
人所望於胄子者豈為是哉若君居家孝友涖官廉
平溫厚博雅于以進德孰能禦之顧區區猶以是為
歉何哉二公之作蓋又因以立言垂世不特銘墓而
已若李茂嘉^謨墓誌所謂明赦至建康呂忠穆怡然

自若時李為江東副漕以言責之呂躊躇未行而張
忠獻檄書至盡與諸家記事之書不合則熊子復克
小歷李氏心傳繫年要錄已有疑於仲益之言矣蔡
伯喈曰吾為人作銘未嘗不有慙容唯為郭有道碑
頌無愧耳後之秉筆者亦能自訟如此否乎

紹聖四年殿試考官得胡安國之策定為第一將唱名
宰執惡其不詆元祐而何昌言策云元祐臣寮不知
君臣之義父子之恩擢為首選方天若策云當是時

鶴髮宵人綦布要路今家財猶未籍沒子孫猶未禁錮遂次之又欲以章惇子為第三哲宗命再讀安國策親擢為第三昌言新淦人仕至工部侍郎張邦昌之僭昌言為事務官既又改名善言以避邦昌名南都中興昌言已死遂追貶觀其進身可以占終矣

唐小說辨疑志載明皇時姜撫先生不知何許人也常著道士衣冠自云年已數百歲持符籙兼有長年之

藥度世之術有荆巖者頗通南北史問撫何朝人也
撫曰梁朝人也巖曰梁朝絕近先生亦非長年之人
不審先生梁朝出仕為復隱居撫曰吾為西涼州節
度巖曰何得誑妄上欺天子下惑世人梁朝在江南
何處得西涼州只有四平四安四鎮四征將軍何處
得節度使撫慙恨數日而卒蔡條鐵圍山叢談政和
間有處士王卓者亦遭遇時主自言五百歲矣人視
之若不過七八十歲容狀光澤頗挾容成術無它異

也魯公稍異之一日魯公命吾延卓坐吾詢其迹則曰生隋末唐李勣征高麗嘗作裨將因擅縱降卒數十被黥配之五嶺南繇是遇異人授以不死方曾不一瞬間忽至今矣吾問還識狄梁公否卓曰識也感它狄相公封卓為白雲先生又問當開元天寶間明皇帝好道而方士輩出先生出乎曰卓時反不出問何故則曰卓時與羅家爭氣意自不喜出耳羅蓋公遠也遂歷問唐諸帝武后及名臣之情狀則或合或

不合又言當肅宗時卓始一出亦蒙封號吾問果爾則必識李輔國輔國狀若何卓曰正得輔國見愛而封輔國面大且方美須髯也吾笑曰先生敗矣二事正堪作對信乎作偽之難也撫唐史有傳亦言其妄然不及此云

葛文康評古謂漢文帝改後元年景帝又改中元後元年武帝屢更年號亦有後元不知當時何所據而分中與後謂之後則疑若有極乃不諱避何邪將當時

有先知之識邪余謂不然漢之諸帝不過改元年爾
後人因其有二元則別以為後因其有三元則復冠
以中非當時本稱也武帝雖屢更年號偶最後不曾
命名獨稱元年後人因其崩也亦以後稱焉耳惟東
都建武中元恐是當時所命也

西漢諸帝多自立陵廟名後世不復然至於及其生而
自命以某祖某宗而使萬世不祧者古今所無也惟
於魏明帝見之孫盛譏之是矣彼謂顧成之廟稱為

太宗者臣下假設之辭耳非此之比也

徐陵鴛鴦賦云山雞映水那相得孤鸞照鏡不成雙天下真成長會合無勝比翼兩鴛鴦黃魯直題畫睡鴨曰山雞照影空自愛孤鸞舞鏡不作雙天下真成長會合兩鳬相倚睡秋江全用徐語點化容齋隨筆謂魯直末句尤精工余幼時不能解每疑鴛鴦可言長會合兩鳬則聚散不常何可言長會合後乃悟魯直所謂長會合特指畫者耳

新唐書進表謂其事則增於前其大則省於舊夫為文紀事主於辭達繁簡非所計也新唐書之病正坐此兩語前輩議之者多矣晉張輔云司馬遷叙三千年事惟五十萬言班固叙二百年事乃八十萬言以此為遷固優劣殊不思司馬子長追述上世故不可得而詳班孟堅紀錄近事有不容於畧春秋傳所謂所見異辭所聞異辭所傳聞異辭正謂是也洪文敏論史記衛青傳書校尉李朔校尉趙不虞校尉公孫戎

奴各三從大將軍獲王以千三百戶封朔為涉軹侯
以千三百戶封不虞為隨成侯以千三百戶封戎奴
為從平侯前漢書但云校尉李朔趙不虞公孫戎奴
各三從大將軍封朔為涉軹侯不虞為隨成侯戎奴
為從平侯比於史記五十八字中省二十三字然不
若史記為朴贍可喜又論檀弓紀石祁子事云石駘
仲卒有庶子六人卜所以為後者曰沐浴佩玉則兆
五人者皆沐浴佩玉石祁子曰孰有執親之喪而沐

浴佩王者乎不沐浴佩玉謂今之為文者不然必曰
沐浴佩玉則兆五人者如之祁子獨不可曰孰有執
親之喪若此者乎似亦足以盡其事然古意衰矣此
論得之崇仁吳德遠流環溪詩話載其少時謁張右
丞右丞告之曰杜詩妙處人罕能知凡人作詩一句
只說得一件物事多說得兩件杜詩一句能說得三
件四件五件常人作詩但說得眼前遠不過數十里
杜詩一句能說數百里能說兩州軍能說半天下能

說滿天下此其所以為妙且如重露成涓滴稀星乍
有無也是好句然露與星各只是一件事如孤城返
照紅將斂近市浮煙翠且重亦是好句是有孤城也
有返照也即是兩件事又如鼉吼風犇浪魚跳日映
山有鼉也風也浪也即是一句說三件事如絕壁過
雲開錦繡疎松夾水奏笙簧即是一句說四件事至
如旌旗日暖龍蛇動宮殿風微燕雀高即是一句說
五件事唯其實是以健若一字虛即一字弱矣公但

按此法以求前人即漸難為詩吳又問如何是說眼
前事以至滿天下事右丞云如獨鶴不知何事舞饑
鳥似欲向人啼只是說眼前所見如藍水遠從千澗
落玉山高竝兩峯寒即是說數十里內事如三峽樓
臺淹日月五溪衣服共雲山即是一句說數百里內
事至如浮雲連海岱平野入青徐即是說兩州軍如
吳楚東南圻即是一句說半天下至乾坤日夜浮即
是一句說滿天下吳因取前輩之詩參而考之謂東

坡惟有美堂一篇最工然天外黑風吹海立浙東飛
雨過江來止是一句能言三件事如今嚴鐘鼓三更
月野宿貔貅萬竈煙是一句能言四件事如通印子
魚猶帶骨披縣黃雀尚多脂鶴閒雲作斃駝卧草埋
峯每句亦不過三物如酒醒風動竹夢斷月窺樓深
谷留風終夜響亂山銜月半床明風花誤入長春苑
雲月長臨不夜城雲煙湖寺家家鏡燈火沙河夜夜
春則似三物而不足至如峯多巧障日江遠欲浮天

翠浪舞翻紅擺掇白雲穿破碧玲瓏葉厚有稜犀甲
健花深少態鶴頭丹等句不過用二物矣山谷則有
數聯合格如輕塵不動琴橫膝萬籟無聲月入簾飯
香獵戶分熊白酒熟漁家擘蟹黃苦棟狂風寒徹骨
黃梅細雨潤如酥皆是一句能言三件事如河天月
暈魚分子櫺葉風微鹿養茸桃李春風一盃酒江湖
夜雨十年燈即是一句能言四件事至荊公則合格
者稍多如簫動川收潦靴鳴海上潮已無船舫猶聞

笛遠有樓臺只見燈山月入松金破碎江風吹水雪
崩騰陽浮樹外蒼江水塵漲原頭野火煙即每句皆
能道三件事以至廟堂生莽卓巖穴死伊周和風滿
樹笙簧雜霽色兼山粉黛重坐見山川吞日月杳無
車馬送塵埃霽分星斗風雷靜涼入軒牕枕簟間即
是一句能言四件事然竟無一句能用五物者至用
半天下滿天下之說求之尤未見其有也然後知詩
道之難如此而古今之美備在杜詩無復疑矣此論

尤異以此論詩淺矣杜子美之所以高於衆作者豈
謂是哉若以句中事物之多爲工則必皆如陳無已
桂椒枏櫨楓柞樟之句而後可以獨步雖杜子美亦
不容專美若以乾坤日夜浮爲滿天下句則凡句中
言天地華夷宇宙四海者皆足以當之矣何謂無也
張輔喜司馬子長五十萬言紀三千年事張右丞喜
杜子美一句該五物識趣正同故併錄之

邵伯溫聞見錄載康節先生治平間與客散步天津橋

上聞杜鵑聲慘然不樂曰洛陽舊無杜鵑今始至不
二年上用南士為相多引南人專務變更天下自
此多事矣客曰聞杜鵑何以知此曰天下將治地氣
自北而南將亂自南而北今南方地氣至矣禽鳥飛
類得氣之先者也與昔按康節首尾吟其一云堯夫
非是愛吟詩詩是堯夫訪友時青眼主人偶不在白
頭老叟還空歸幾家大第橫斜照一片殘春啼子規
獨往獨來還獨坐堯夫非是愛吟詩疑亦此意也

古今詠史詩求其議論精當康節先生題淮陰侯廟十篇可以為冠讀者當自知之一身作亂宜從戮三族全夷似少恩漢道是時初雜霸蕭何王佐殆非尊據立大功非不智復貪王爵似專愚造成四百年炎漢纔得安寧反受誅生身既得逢真主立事何須作假王誰謂禍胎從此始不宜迴首怨高皇一時韓信為良犬千古蕭何作霸臣彼此並干名教罪罪猶不逮謂斯人韓信事劉元不叛蕭何惑漢竟生疑當初若

聽蒯通語高祖功名未可知雖則有才兼有智存亡
進退處非真五湖依舊煙波在范蠡無人繼後塵若
非韓信難除項不得蕭何莫制韓天下須知無一手
苟非高祖用蕭難漢家基定議功勲異姓封王有五
人不似淮陰最雄傑敢教根固又生秦韓信恃功前
慮寡漢皇負德尚權安幽囚必欲擒來斬固要加諸
甚不難若履暴榮須暴辱既經多喜必多憂功成能
讓封王印世世長為列土侯

首卷書王平甫所云花藥宮詞三十二首今攷王恭簡
續成都集記才二十八首盡筆於此庶真贋了然五
雲樓閣鳳城間花木長新日月閒三十六宮連內苑
太平天子坐崑山會真廣殿約宮牆樓閣相扶倚太
陽淨斲玉階橫水岸御爐香氣撲龍牀龍池九曲遠
相通楊柳絲牽兩岸風長似江南好春景畫船來去
碧波中東內斜將紫禁通龍池鳳苑夾城中曉鐘聲
斷嚴妝罷院院紗牕海日紅殿名新立號重光島上

亭臺盡改張但是一人行幸處黃金閣子鎖牙牀安
排諸院接行廊水檻周回十里強青錦地衣紅繡毯
盡鋪龍腦鬱金香夾城門與內門通朝罷巡遊到苑
中每日日高祇候處滿堤紅艷立春風厨船進食簇
時新侍坐無非列近臣日午殿頭宣索膾隔花催喚
打魚人立春日進內園花紅藥輕輕嫩淺霞跪到玉
階猶帶露一時宣賜與宮娃三面宮城盡夾牆苑中
池水白茫茫亦從師子門前入旋見亭臺遠岸傍離

宮別院繞宮城金板輕敲合鳳笙夜夜月明花樹底
傍池長有按歌聲御製新翻曲子成六宮纔唱未知
名盡將盛簾來抄譜先按君王玉笛聲旋移紅樹劇
青苔宣使龍池再鑿開展得綠波寬似海水心樓殿
勝蓬萊太虛高閣凌波殿背倚城牆面枕池諸院各
分娘子位羊車到處不教知修儀承寵住龍池掃地
焚香日午時等候大家來院裏看教鸚鵡念新詩才
人出入每相隨筆硯將行遶曲池能向彩牋書大字

忽防御製寫新詩六宮官職總新除宮女安排入畫
圖二十四司分六局御前頻見錯相呼春風一面曉
粧成偷折花枝傍水行却被內監遙覩見故將紅豆
打黃鶯梨園弟子簇池頭小樂攜來候燕遊旋炙銀
笙先按拍海棠花下合梁州殿前排燕賞花開宮女
侵晨探幾回斜望花開遙舉袖傳聲先喚近臣來小
毬場近曲池頭宣喚勲臣試打毬先向畫廊排御幄
管絃聲動立浮油供奉頭籌不敢爭上棚專喚近臣

名內人酌酒纔宣賜馬上齊呼萬歲聲殿前宮女揔
纖腰初學乘騎怯又嬌上得馬來纔似走幾回拋韉
把鞍橋自教宮娥學打毬玉鞍初跨柳腰柔上棚知
是官家認遍遍長贏第一籌翔鸞閣外夕陽天木影
花光水接連望見內家來住處水門斜過卷樓船內
人追逐採蓮時驚起沙鷗兩岸飛蘭棹把來齊拍水
並船相關濕羅衣新秋女伴各相逢卷畫船飛別浦
中笑折荷花半歌舞夕陽斜照滿衣紅月頭支給買

花錢滿殿宮娥近數千遇著唱名多不應含羞走過

御牀前

任土作貢三代而下未之或廢時有損益而已高宗建炎三年始詔除金銀匹帛錢穀餘悉罷貢盛德事也禹貢以來歷代史志及地里之書但載土貢之目而不書其數惟元豐九域志為詳嘗撮一歲所貢凡為

金二十四兩

登一十兩利五兩
萬象蜎各三兩

麩金五十五兩

金鏡
各一

十兩嘉六兩眉雅簡資
各五兩衡昌龍各三兩

銀四百五兩

桂楊桂各五十
兩鄂邕各三十

兩邵賀封端新康南恩梅容昭梧藤龔潯貴柳宣檻
白廣瓊昌化各一十兩賓化高鬱林萬安各五兩

銅鐵一十斤

利

錦三匹

成都

白穀一十匹

裏

隔織一十

八匹

秦一十匹
洋八匹

純七十五匹

汝一十五匹
安肅陝威勝各一十匹
潁懷保定

花絕一十匹

祁

綜絲純二十匹

灘

綾一百四十五匹

抗三十匹
明秀江陵澧各一十匹
蔡定各一十匹
淄隨潤

花綾一十匹

充

白

花綾一十匹

梓

綜絲綾一十匹

遂

雙絲綾一十匹

徐

方紋綾三十匹

開封

仙紋綾五十匹

青三十匹
灘二十匹

擣蒲綾

二十四

遂

蓮綾一十匹

閭

越綾二十匹

越

羅七十四

真定三十四匹定二十匹潤彭各一十匹

花羅六匹

成都

春羅四匹

蜀

單絲

羅一十匹蜀紗四十匹

相廬常大平各一十匹

方丈紗三十匹

開封

茜緋花紗一十匹

越輕容紗五匹

越紬一百四十

五匹

洛二十匹陳汝各一十五匹大名徐潁博雄永寧廣信陝懷安各一十匹達五匹

花紬

一十匹

大名

縣紬五十匹

簡二十匹大名一十匹渠巴蓬忠各五匹

絹六百

七十匹

隨滑羸各三十三匹應天冀德德衛深毫各二十匹陳一十五匹密齊淮陽徐曹卿濮唐潁

昌真滄拽霸永靜乾寧信安相邢趙保順安渭平定奇嵐寧化保德宿海泗徐廬濠無為臨江為建昌涪

昌雲安南平韶循南雄各一十匹廣安五匹

班白絹三匹

誠

布一十五匹

鼎一十匹
梅五匹

絲布二十匹

邛一十匹
果一十匹

紵布一百七十五

匹

信陽楚和吉筠興國南安柳江陵安鼎
岳歸漢綿邵武英各一十匹房五匹

白紵布一

百六十五匹

舒湖虔各二十匹鄧新黃常睦
宣歙袁道連各一十匹開五匹

高紵布

一十匹

成都

斑布一十匹
葛布二百三十五匹

洪撫
渾各

三十匹蘇二十匹隨壽光吉永全普
戎瀘富順泉興化各一十匹渝五匹

蕉布一十五匹

泉一十匹
潮五匹

紅花蕉布三十匹

福練七十七匹

建五十匹
杞鼎各一

十匹
毛毼一十五段

熙一十段
保安五段

紫茸毛毼一十段

涇
絲

一千一百兩

齊穎莫街趙婆處衛梁
山泉興化各一百兩

氈三十領

慶二
領

豐一
十領 白氈三十領 鎮戎二十領 紫茸氈四領 慶 鞞

一十領 京 鞞皮二十張 同 獐鹿皮三百一十張 海三

通一 鮫魚皮二十六張 台漳各一十張 龜殼二十枚

廣 水馬二十枚 鼈皮三十一張 廣 翡翠毛二十枚

欽 席一百七十領 常二十領 澧泰隴蘇各二十領 蓆

席二十領 開封一十領 莞席一百領 揚 蓆四十一領

永靜斬睦饒各 一十領 澧一領 藤蓆二十領 廣 漆器五十事 湖三十

十 瓷器三百一十事 河南二百事 耀越各 石器二十

事

登一十事
萊一十事

水晶器一十事

信藤器二十事

象一十
事實一

十藤盤一面

循藤箱一枚

惠柳箱一十枚

滄銅鑑一

十面

太

青銅鑑二十面

揚

火筋五十對

邠剪刀五十

枚

邠

筆一千管

江寧五百管
宣五百管

墨三百枚

充潞維各
一百枚

硯

四十枚

號二十枚
端各一十枚

紙四千張

越歙池各一千張
貞溫各五百張

雜

色牋五百張

成

蠟燭九百五十條

鳳翔三百條
百條成鳳晉絳各

一百條
五十條

花蠟燭一百條

鄧燕脂一十斤

興棗子數

珠一十串

象

斑竹一十枝

雷

解玉砂一百五十斤

邢

百斤折 五十斤 金漆三十斤 台 弓弦麻二十斤 坊 鰾膠一十

斤 通 甲香二十七斤 漳惠各一十斤 台 青一十斤 代

碌一十斤 代 朱砂四斤一兩 沅容各二十兩 辰 雲母

二十斤 江 充一十斤 鍾乳四斤八兩 沂三十兩 韶連 芒

硝一十斤 映 空青一十兩 梓 曾青一十兩 梓 禹餘糧

一十斤 澤 白石英一十二斤 澤 紫石英二十斤

沂一十斤 充一十斤 白石脂一十斤 蘇 水銀三斤二兩 辰三十

兩 石膏二十斤 礞 陽起石一十斤 齊 長理石五斤 淄

礬石一十斤

太原

石鷲二十枚

永

白菊花三十斤

鄧

人

參三十斤一十兩

太原潞澤各一十斤遼一十兩

天門冬二十斤

果

十斤普

甘草二百六十斤

環一百斤德順五十斤原蘭府各三十斤岷太原各

一十

白朮一十兩

舒

牛膝五十斤

懷

柴胡三十斤

麟

火山谷

車前子一斗

開

乾山藥一十五斤

明

細辛一

十斤華

石斛一十二斤

壽一十斤廣二斤

生石斛四十觔

廬

十斤光江

巴戟一十斤

劍

菴藺一十斤

寧

芎藭三十

斤奉

黃連五十斤

宣三十斤處

菰蓉六十斤

滑五十斤保安

一十斤 防風七十斤 絳三十斤 單一十五斤 齊充各一十斤 淄五斤 五味子五

十斤 河蛇牀子 二十五斤 單一十五斤 蘇一十斤 杜若一十斤

映 葛粉一十斤 信 括蕪根一十斤 映 當歸一十斤 威

麻黃二十五斤 開封一十五斤 鄭一十斤 知母一十斤 相 仙靈脾

一十斤 沂 紫草五十斤 大 海藻一十斤 紫 高良薑一

十五斤 欽一十斤 朱崖五斤 牡丹皮一十五斤 渝一十斤 合五斤 零陵

香二十斤 道一十斤 全一十斤 縮砂二斤 白 白藥子五斤 合 天

雄一斤 龍 大黃一百斤 廊 葶藶子三升 曹 連翹一十

斤黃續隨子三斤

井陵

荆芥一十斤

寧

羌活一十斤

威

木藥子三百顆

施二百顆
萬一百顆

桂心四十斤

桂二十斤
容二十斤

茯

苓三十斤

沂兗華各
一十斤

伏神五斤

華

酸棗仁三斗

京北
二斗

開封
一斗

黃藥五斤

金

五加皮一十斤

峽

杜仲五斤

金 沈

香一十斤

廣

詹糖香二斤

廣

檳榔一千顆

瓊

枳殼一

十五斤

商一十斤
金五斤

枳實一十五斤

商一十斤
金五斤

巴豆一

斤

眉 紅椒三十斤

黎

買子木二斤

渠

白膠香五斤

金

苦藥子三斤

井陵

紅花五十斤

興

柏子仁一十斤

陵

地

骨皮二十斤

京北一十斤

胡粉二十斤

澶一十斤

龍

骨一十斤

河

麝四斤一十一兩

金十兩均延丹河適遠憲嵐文各五兩衰

慶號商熙代茂各

牛黃九兩

密登萊各三兩

阿膠七斤一十

四兩

鄆六斤濟三十兩

鹿茸一對

成 羚羊角一十五對

階一對

龍五

犀角二株

密一株

蜜三百四十斤

河南潞各一百斤鳳興各

三十斤晉隰石

白蜜三十斤

信

蠟四百四十斤

河南延各

二百斤京兆五十斤慶鳳興各三十斤

牡蠣一十斤

萊

烏鯢魚骨五斤

明

覆盤二斤

隨

葦豆一石

邠

梁米

一石

孟

茶一百一十斤

劍南

茶末一百斤

潭

茶牙二十

斤

南康一十斤
廣德一十斤

碧澗茶牙六百斤

江陵

龍鳳等茶八百

二十斤

建

鹽花五十斤

解

棗一萬一千顆


青

榛實一

石

鳳翔

漫繫之簡牘以廣見聞



賓退錄卷十